

DIONYSII CARTHUSIANI

*Vita Sancta, Pretiosa Mors & Scriptorum Laudes.*

Inferatur  
ad annum  
1471.  
fol. 128.

*Dionysius a Leewis* patriâ *Ryckelius* (quod *Hasbania* Municipium est, Ditionis *Leodiensis*, duobus circiter milliariis a *S. Trudonis* Oppido distans) natus ann. Dom. 1402. Parentibus admodum honestis, non infimæ Conditionis, quibus avitum genus de *Leewis* indidit nomen.

Hic antè vigesimum ætatis annum ad Ordinem *S. Brunonis* (olim Fratres Eremitæ, seù a loco primi incolatûs *Carthusiani* dicti sunt) in duabus ejusdem Ordinis domibus, *Diestensi* scilicet & *Ruræmundensi* Habitu postulato & ab utrâque ad maturiores annos dilatus, interim ad Studia in insigni *Academia* *Coloniensi* se contulit, ubi in Studiis non parùm profecit, & ætate debitâ attentâ *Carthusiam Ruræmundensem*, domum *Bethleem* nuncupatam repetiit, Habituque Ordinis ibidem denuò humiliter postulato gratulabundè susceptus est, & Novitiatûs anno feliciter peracto, Professus. Deindè presertim incipiens, perfectiusque indies proficiens, perfectissimè tandem cursum consummavit 12. Martii 1471. Ætat. 69. Relig. 47.

*Doctõris extatici* nomen meruit a frequenti extasi, quâ sæpè extrâ se raptus vidit *Arcana Dei*; nam multa futura

prævidit & sæpè prædixit, maximè verò clades *Ecclesiæ* imminentes, pro quibus avertendis diu noctuque orabat; Principes quoque litteris, & aliis quibus poterat modis hortabatur & urgebat, ut sui & gementis *Matris Ecclesiæ* misererentur; arguebat, obsecrabat, ut a sceleribus desisterent, scandala tollerent & ut morum tandem emendatione iram *Dei* averterent.

Multa de omni ferè subjecto scripsit, itaut multifaria ejus scientia omnibus admirationi fuerit.

Huc accedit, quod tanta *Pietas* & tanta eruditio in scriptis ejus enituerit, ut non solum *Ordini* suo ornamentum extiterit, verum etiam studiorum ejus nutritrix *Alma Colonia* eum sibi ornamentum vindicet; insuper & ipsi *Ecclesiæ* splendorem addidisse ex eo patet, quod *Eugenius* *Papa IV*, ex libris ejus uno perlecto, in hæc verba proruperit: *Læteur Mater Ecclesia, quæ talem habet Filium.*

*Carolus* quoque *Geldriæ Dux* de tanti *Viri* Sanctimoniâ & Doctrinâ debitè informatus litteras ad *Facultatem Theologicam* *Coloniensem* dedit, cui ejus opera ad *Reipublicæ Christianæ* bonum valdè conducentia enixè commendat. *Litteræ* (1) cum

(1) Extant hæc litteræ pro Prefatione Commentariorum ejus in *Epistolas D. Pauli*, unâ cum *Vita* hujus *Doctõris extatici*. edit. Colon. in 8. ann. 1530.

Decreto Facultatis Theol. hic sub-  
junguntur :

*Carolus Dux Geldriae et Juliae, Comes-  
que Zutaniae, Gruningensium, Co-  
vordiae, Drenthiaeque Dominus, Exi-  
miis Dominis Theologis Colonien-  
sibus, S.*

Inferatur  
ad ann.  
1530. fol.  
45.

Cum nihil unquam esse magis pro-  
prium & dignius officio Nostro existi-  
maverimus, Venerabiles Patres, quam  
totis semper viribus conari, ut Fidei  
Christianæ Cultus non solum in vigore  
suo perseveret & crescat, sed etiam  
Doctrina ejus sincera permanens &  
libera perfectam teneat sui fulgoris  
potentiam, quæ & Hæreticorum nebu-  
las discutere, & æmula eorum ful-  
gura atque incendia possit extinguere  
& obscurare.

Intelligentes itaque non admodum  
multos ante annos fuisse *Dionysium*  
quemdam *Rickell*, Virum sanctimoniâ  
vitæ admirabilem, & Sacrarum Lit-  
terarum scientiâ ultra communem  
fortis humanæ facultatem vehemen-  
ter exercitatum; qui in Oppido Nostro  
Ruræmunda Sacri Ordinis Carthu-  
siani Monachus cum esset, plurima  
ibi conscripsisse opera ad Reipublicæ  
Christianæ bonum valde conducentia  
dicitur:

Referente scilicet id Nobis & indi-  
cante pio ac religioso Patre *Lamberto*  
*Pascuali* Carthusianorum apud Con-  
fluentinos Rectore primario, aliisque  
pluribus viris doctis;

Operæ pretium esse duximus, vestris  
illud eruditis Excellentis indicare, ro-  
gantes ut conquisita ejus opera jam dicta  
Vobis exhiberi faciatis, & doctrinarum  
vestrarum solitâ diligentiam examinetis,  
proque utilitate Religionis Christianæ  
existimetis ipsa, approbantes authori-  
tate vestrâ quæcumque digna sunt,

ut in publicum edita legantur, ad  
Christianæ Fidei, jam apud plurimos  
(proh dolor!) vacillantis, robur & re-  
parandum & confirmandum.

Eorum enim per Typographos edi-  
tionem mox fieri ad Limas & ap-  
probationes vestras mirum in modum  
cupimus; sperantes in hoc negotio rem  
fieri utilem & acceptabilem Christo  
Domino, qui Vos ad Ecclesiæ suæ  
sanctæ custodiam & defensionem in  
doctrinâ perfectâ & vitâ sanctâ fanos  
& longævos conservet.

Datum ex oppido nostro Arnhem,  
die XXIII. Februarii anno MDXXX.

Signatum erat : *Carolus.*

Ut piissimæ Principis petitioni mo-  
rem gereremus, quoniam & id stu-  
diosissimis quibusque lectoribus arbi-  
trati sumus gratissimum, visum est  
nobis, ut ex innumeris à præfato Dio-  
nysio Carthusiano viro undecumque  
doctissimo examinatis operibus, Com-  
mentarii in Paulinas Epistolas primùm  
omnium prodirent in lucem, ut si illi  
placebunt, & reliqua postea ederentur.

Subsignatum : *Decanus et Magistri*  
*facultatis Sacræ Theologiæ studii*  
*Colonienfis.*

At tantum lumen in tenebris soli-  
tudinis diu latere minimè licuit. Sol,  
non obstantibus nubibus opacissimis,  
Mundo diem suppeditare non desinit;  
nam licet Vita ejus in Christo abs-  
condita fuerit, tamen ad Gloriam Dei  
& Utilitatem Proximi ex solitudine  
dilectâ eductus, ab Eminentiss. Card.  
& Sedis Apostolicæ Legato *Nicolao*  
*de Cusa* Virtutum & Doctrinæ tanti  
Viri Odore tractus in adjutorium as-  
sumptus est, autumans talem ad Le-  
gatûs sui Munia feliciter obeunda sibi

utilem imò & perquam necessarium fore : nec fefellit eum opinio, nam famam operibus vicit, & decuplo plus in ipso invenit quam fama sparserat; maximè verò in reformatione Monasteriorum feminarum æquè ac virorum utilis fuit; nec solâ contentus reformatione, ut in bono proposito permanerent, egregia documenta Reformatiſ etiam conscripta reliquit; & in hoc genere multùm præluxit, cum omnes ferè Ordines præsertim in his Regionibus Sermones ejus publicè in Conventu summo cum studio legant, & ut sæpè & ubique legantur Superiores invigilent: insuper plurimos composuit Sermones omni statui aptissimos, ex quibus materia copiosa Prædicatoribus valdè commoda erui poterit.

Inter alia in ejus vitâ admiratione digna singulare hoc occurrit : fertur enim, quod non obstante Officiorum Ordinis prolixitate tam in Choro quam in Cellâ persolvendorum, quibus singulis cum aliis Ordinis oneribus plenè satisfecit, non obstante summâ ipsius assiduitate in Libris scribendis & Divinis meditandis, integrum quotidie Psalterium recitaret.

Porro post Matutinas in Choro cum aliis Confratribus strenuè & devotè cantatas ad quietem numquam rediit, sed obtentâ super hoc Superioris licentiâ, toto tempore, quo alii quieti indulgebant, Divinis meditandis & Libris scribendis insudabat, quo tempore maximè, Vigiliis scilicet his nocturnis, strepitu, clamoribus, cachinnis, stridoribus, ejulatus, campanæ sonitu, & id genus aliis, quibus occupationes ejus sanctæ interromperentur, a Spiritu maligno sæpissimè infestabatur; sed in principio rei novitate licet aliquatenus indè turbaretur animus, postea verò hos-

tis iniqui cognitâ versutiâ, audacior factus, & in Domino confidens hæc & similia contemnebat, quoties occurrerent.

Cum vigilandi post Matutinas veniam petenti objiceret Superior, tantas vigilias & tam continuam animi applicationem capiti ac pectori verisimiliter ita nocere posse, ut Ordinis oneribus vires indè attenuatæ vix sufficerent, sic respondisse fertur : *Caput mihi ferreum est et Pectus æneum*; & reverà Caput ejus seu Cranium aliis duplo *crassius* cernitur, & indè Cerebrum benè munitum & custoditum credi poterit.

Ergà Eundem religioso admodùm affectu ducebatur *Cuyckius*, II. Episcopus Ruræmund. & quantum profecerit in investigandis et reperiendis ossibus B. Dionysii Ryckelii, patet ex subjectâ Epistolâ, quam ipse ad Rev. Patrem Generalem, Priorem Majoris Cartusie ann. 1608. dedit, cujus hic Copia :

Inseratur  
ad ann.  
1608. fol.  
208.

*Admodum Reverende P. Prior.*

Non sine fructu Cartusiani Patres & Fratres, pro D. Dionysii Rickelii reperiendis ossibus Deum orasse videntur. Qui in hac Cartusia Ruræmundensi hæctenus superfuit senior Sacerdos F. Henricus Kerckenus, quinquagesimum annum in Ordine superans, & locum quietis Rickelii, uti à majoribus acceperat, in quadam latitudine designare solebat. Nuperrimè verò, hoc est vigesimo secundo Mensis Martii die, Anno 1608. in Domino obdormivit. Quam occasionem prudenter arripiens Venerandus hujus Cartusianæ familiæ Prior, Dionysianæ sepulturæ à Kerckeno demonstratum locum aperiri jussit, & investigari, ut Kerckenum ( qui Dio-

Copia  
epistolæ  
Episcopi  
Ruræ-  
munden-  
sis ad  
Magnæ  
Cartusie  
Priorem.

nyfii quoque cellam ad mortem usque inhabitat) eodem in loco, quem DIONYSII esse dixerat, condiderat; idque ex adverso Altaris illius, in quo vivens Dionysius sacrificare solitus erat, quod ante 54. annos, quando universa penè Ruræmundensis Civitas cum Monasterio ac Templo illius incendio conflagravit, fillum, disruptum, profanatumque erat: quo eodem in loco antè proximos sex menses in die Sancti Dionysii Arcopagitæ & Martyris, ac ad illius memoriam, aliud est erectum. & à nobis consecratum Altare. Quum ergò vigesimo secundo Martii die (qui stylo veteri Magni etiam Gregorii & Richelii mortis fuisset dies) è vivis excessisset Kerckenus, perticas seu stipites duos eo in loco ubi Dionysiana ossa quiescere putabantur defixit Prior; quibus post profundam admodùm fossionem (cui incendii rudera ansam dedisse videntur, ut jam altius multo & elevatius sit cœmeterium, quam fuerit antea) Dionysii cranium, & plantæ è directo infernè respondebant: reliquis etiam totius corporis ossibus, ordine & naturali situ, post centum & triginta septem exactos annos, concinnè adhuc dispositis: iisque omnibus indè extractis, in loculum Dionysii F. Henricus Kerckenus humatus est. Calvaries autem DIONYSII & reliqua ossa proceri & robustissimi viri specimen referunt, & signum habent hominis balbutientis, propter prominentes anteriores mandibularum dentes: quo vitio Dionysium laborasse autor est, qui vitam illius conscripsit Theodorus Loërius, Stratensis. Ossa igitur hæc religiosè nunc in Ruræmundensi Cartusia asservantur, donec divina bonitas illustrioribus ea miraculis coruscare fecerit; quò possint ad majorem Dei gloriam, Sedis Apосто-

licæ interveniente authoritate, honorificentius elevari. Quod superest oro clementissimum Deum, ut Carthusias omnes per universum Christianum orbem diffusas, suis donis adaugeat, & me meritorum omnium faciat participem. Ruræmundæ 10. Aprilis anno 1608.

Porrò Eximius Magister noster (ait Havenfius in Commentario suo *De erectione novorum in Belgio Episcopatum Lib. 3.*) Doctor Petrus Pollino, Decanus Ecclesiæ Cathedralis Ruræmundensis, nostris enarravit caput, cui peculiaris reservatus est honos, perpulchrè exornatum, etiam insignem odoris fragrantiam redolere. Et sanè mirabile est, quod cum magno labore sublatis prius rudibus corpus erueretur, illud inventum fuerit integrum suis adhuc pro majore parte membris cohærens, post annos quibus vir sanctus obdormivit in Domino centum triginta septem: & præsertim quod pollex & index, duo nimirum scribendorum librorum instrumenta maximè necessaria quibus ille usus est ad Ecclesiæ utilitatem & multorum salutem, integriora sint reperti.

SEQUUNTUR eximia Testimonia Virorum insignium de Pietate & Doctrinâ ejus.

*Joannes Trithemus* summâ veneratione de ipso scribens dicit, hunc *Dionysium studiosum valdè litterarum sacrarum, nec humanarum ignarum, Philosophum egregium, subtilem, potentem opere et sermone, mirum in modum pium, et Revelationibus Divinis insignitum. etc.* deindè addit: *Tot et tanta scripsit, ut Divo Augustino Librorum numero comparatus, cæteros Scriptores latinos facillè superaverit: ità nihilominus Orationi deditus, ut mirum sit quomodo in tam continuâ Oratione minimum quid scribere*

potuerit, ac è diversò in Libris scribendis ità occupatus, quomodo Orationi vel minimè vacare?

Petrus Dorlandus ejusd. Ordinis Carthusiensis circa illa tempora florens multa de Revelationibus ejus scripsit; sed de Vitâ & Occupationibus hæc pauca tantùm perstringens generaliter ait: *Dionysius fuit Contemptor sui, Exercitiis spiritualibus et litterarum Studiis adeò occupatus, ut cibum sæpè negligeret, et ad vesperum sæpius prandium differret.*

Petrus Blomeyenna Carthusiæ Coloniensis Prior inter alia asserit, *Dionysium Spiritûs Sancti afflatu quam ope humanâ plus didicisse, maximè propter munditiam et innocentiam ab infantia ei insitam, quâ Pietati et Litterarum Studiis libentius indefessè inhæreret.*

Petrus Arnoldus Bostius lib. de Viris illustribus Carthus. Ord. sic ait: *Dionysius altivolus Cælestium Contemplator & Scriptor verè pius in otio occupari & in occupatione otuari verè didicit. &c.*

Joannes Bomberch in explicandis Psalmis singularem ejus Spiritum summo perè miratur.

Guilielmus Eysengreim vocat eum Philosophum subtilem, Historiographum veracissimum, excellentissimum Theologum, Deo afflatum. &c. Idem Sixtus Senensis affirmat.

Ludovicus Granatensis Sanctitatem & Doctrinam ejus, maximè in decem Contemplationis gradibus elucidandis plurimùm extollit.

Bellarminus eum Sanctissimum ac Virum doctissimum nuncupat.

„Blozius asserit, eum non solum inter  
„ Sanctissimos, verùm etiam inter Doctissimos & maximè Deo afflatos numerandum esse, addens ipsum solum septem Articulos explevisse, quos a nullo alio Scriptorum Catholico exaratos invenimus, qui sigillatim ordine

„ suo in eodem Authore explicantur.

„ *Jacobus Alvarez Societ. Jesu de Dionysio* sic fatur: „ Clarissimus Dionysius Ryckelensis Ordinis Carthusiensis gemma pretiosa, Solitariorum normam præstantissimam Nobis tradidit non solum Exemplo verùm etiam Scriptis modo sequenti &c. Tom. I. de vitâ spirituali. Lib. 2. part. 4. p. 332. edit. Lugd. & alibi ait: *Dionysius Ryckelensis* mirum in modum doctus & sanctus, quem propter sublimes Doctrinæ volatus Doctorem sublimem meritò nuncupamus.

„ *Aubertus Miræus* hisce verbis eum alloquitur: „ Tot tantæque Virtutes te prædicant, *Dionysi*, ut difficilius finem quam principium invenire liceat &c. Studia, quibus in Solitudine insudasti, licet per te latere potuissent, per Eminentiss. tamen Card. Nicol. de Cusa evocata sunt in sui juvamen in Ecclesiæ negotiorum administratione. Tuo Consilio tota Respublica Christiana adjuta plurimùm & sublevata est.

*Carmina in ejus Laudem concinnata.*

Tu Sacræ Historiæ clavis, lucisque fenestra es;  
Magnum a te capiunt Biblica Scripta decus:  
Tu veterum umbrarum, Dionysi, Ænigmata pandis;  
E uis, arque diis aurea sensa libris.  
Ergò alter meritò succensâ luce Promethæus  
Diceris, Historiæ Solque jubarque Sacræ.

CONTINUATIO

*Episcoporum Tongrensium sive Leodiensium.  
Saculum XVIII.*

XCIV. Georgius Ludovicus Comitis Bergensis filius ann. 1724.

XCV. Joannes Theodorus Cardinalis, Ducis Bavarie filius. ann. 1744.

Inseratur  
fol. 161.

XCVI. Carolus Nicolaus Alexander ex Comitibus ab Oultremont ann. 1763.

XCVII. Franciscus Carolus ex Comitibus à Velbruk ann. 1772. Obiit 30. Aprilis 1784.

XCVIII. Cæsar Constantinus Franciscus Comes de Hoensbroek ann. 1784. Obiit 3. Juny 1792.

## E L E N C H U S

*Canonicorum Cathedralis Ruræmundensis.*

Reverendiss. Dom. *G. Lindanus* Episc. I. Ruræmund. Ecclesiæ suæ possessionem adiit 11. May 1569. quo tempore residebant novem Canonici sequentes :

Inferatur  
fol. 250.

*Mgr. Arnoldus à Dart* S. T. L. electus Decanus ann. 1568. Resignavit Decanatum 2. Aug. 1569. *Theod. Haen*, & Coloniam recessit.

*Bado Badonis* Senior Can.

*Theodoricus Haen* Decanus ab ann. 1569. in locum *Arn. à Dart* : fuit antea *Theodoricus* Pastor Ruræm. & ann. 1570. interfuit Concilio Provinc. Mechlin.

Anno 1572. die 23. Julii irrumpentes in Urbem & Carthusiam Ruræmund. Geusii dictum Decanum graviter in capite sauciarunt, similiter in humeris seu scapulis atque pectore, tandemque variè exagitatam passi sunt redimi mille daleris. Ità *Havensius*.

*Joannes Lomme*, Vir Nobilis, qui dictis Geusii bis numeratâ grandi pecuniâ, vitam conservare, & se ab impendente morte eximere coactus fuit.

*Wilhelmus Squaeden* aliàs *de Weert*, qui ann. 1570. interfuit primo Concilio Provinc. Mechlin.

*Joannes Cruchten*, nominatus a Magiftratu Ruræmund. Decessit ann. 1575. *Henricus Hartefeldt*.

*Hubertus Platvoet* Cantor, ad Præsentationem Nobilis Familiæ de *Hillen*. Cessit vel Decessit ann. 1579.

*Gerardus de Meer* Buscoducensis, primus Archidiaconus Ruræmund. de quo præfat. *Havensius*, exponens factionis geusicæ crudelitatem & rabiem, sic ait : „ *D. Gerardum*  
„ *Meranum* Canonic. Archidiac.  
„ Virum insigniter doctum, S. T. L.  
„ oportuit ter laqueum collo in-  
„ jectum deprecari, soluto pretio  
„ redemptionis: cumque jam tertio  
„ eum strangulare aggredierentur,  
„ atque ipse peteret vel unum hauf-  
„ tum vini, quo sitim quæ ipsum  
„ vehementer affligebat restingue-  
„ ret, simulque postularet spatium  
„ tantilli temporis, quo ter Domi-  
„ nicam Orationem pronuntiaret,  
„ atque ità se ad mortem compa-  
„ raret, supervenit quædam honesta  
„ catholica Mulier, quæ ab eo, qui  
„ locum aut vices tenebat Princi-  
„ pis, multis Precibus obtinuit, ut  
„ sibi donatus dimitteretur; non  
„ tamen absque multis diceriis &  
„ scommatibus, Virumque ità sibi  
„ donatum in ædes suas recepit.  
„ Quod dum postea Geusii rescif-  
„ cerent, irruunt in domum dictæ  
„ Mulieris, fores effringunt, ho-  
„ minemque absconditum inqui-  
„ runt: inveniunt latentem sub  
„ tecto, quod ex pluvîâ humectat-  
„ tum, præ nimîâ fiti quæ illum  
„ enecabat, mortemque allatura  
„ ipsi videbatur, lambebat; denuò  
„ rapiunt captivum, coguntque  
„ tertiâ vice pro sui redemptione  
„ centum daleros pendere. Postea  
„ voce Præconis proclamatur ac  
„ mandatur severissimè, ne quis

„ audeat ullas Personas Ecclesiasticas domi retinere vel abscondere; sed teneatur quisque sub pœnâ capitis eosdem prodere & denunciare: undè factum est, quod omnes Cathedralis Ecclesiæ Canonici in manus hostium venerint, excepto uno Sene Domino Scholastico, qui tamen graviter læsus fuit, &c.

Ann. 1570. 18. Octob. Reverendiss. D. Lindanus receptus est ad Præbendam præf. D. *Badonis*, Autoritate Apostolicâ Episcopatu incorporatam. Obiit 2. Novemb. 1588. ætat. ann. 63.

*Paulus Severini* admittitur 20. Octob. 1575. in locum *Joann Cruchten* ex præsentatione Magistratûs Ruræmund.

*Burchardus Meurs* aliàs *Moers* receptus in locum præced. D. *Severini* 11. Sept. 1577. ex præsent. Magist. Ruræmund. Renunciavit ann. 1587.

*Reinerus Buysers* Pastor in Neer, renunciatus Canonic. in locum *Hub. Platvoet* Cant. 27. Junii 1579. ex præsent. Dom. *Reineri de Hillen* Satrapæ in *Montfort* Patroni Secularis.

*Gregorius Gherinx* Trudonensis, J. U. L. receptus in Confratrem 28. Junii 1580, ex præsent. Venerab. Dom. *Joannis Lom.* Electus in Decanum 15. Junii 1586. loco *Theod. Haen.* Erat etiam Officialis & Sede dudum vacante Vicarius Generalis. Obiit 16. Aug. 1601.

*Clemens Crabbeels* Lovaniensis, S. T. L. primò Secretarii munus apud *Corn. Jansenium*, I. Gandav. Episc. obivit, dein successivè in Cathedrali Gand. Canonicus, Officialis & primus Archidiaconus, & Sede vacante, Vicarius Generalis.

Ann. 1577. prædominantibus in Belgio Hæreticis ac seditiosis hominibus, *Crabbelius* die 17. Januarii 1578. per Rebelles ab Officio ac jurisdictione Vicar. Gen. impeditus Gandavo exire cogitur, unâ cum Canonicis Confratribus, quorum aliqui Tornacum, alii Insulas confugere.

In hæc pressurâ mortuus est Insulis D. *Marcus Sterck* Decanus Gand. ac mox Canonici simul convenientes D. *Crabbelium* absentem (erat enim Colonæ, ubi de Pace Belgii agebatur) in Decanum elegerunt ann. 1578. die 27. Septemb. Hic Decanatus sui possessionem procuratorio nomine cepit Tornaci 20. Febr. 1579. atque in Officio Vicar. Gen. in locis Hispaniarum Regi subjectis perrexit, jubente ipso *Alexandro Farnesio* Parmæ Duce, Belgii Governatore.

Interim Gandavo necdum subacto, ad præsent. Episcopi Ruræmund. & Capituli die 28. Junii 1581. obtinet Præbendam in Cathed. per resignationem Mgri. *Jacobi Jansonii* Amstelodamensis, S. T. D. Lov. Collegii Pontificii Præsidis &c., quo tempore Aldenardæ munia Pastoris primarii exercuit: tandem ann. 1584. sese ad Buscoducensem Episcopatum destinari intellexit: mox die 28. Decemb. possessionem adiit, procuratore D. *Luca Dielen* Decano Buscod & die Epiphaniæ subsequentis anni Pontificali Characterè insignitus est Tornaci à *Maximiliano Morillono* hujus Urbis Episcopo, assistentibus *Matthæo Moulartio* Atrebatensi & *Joanne Sixio* Audomarensi Episcopis, eodem tempore eademque Solemnitate, quâ D. *Petrus Simons* Iprensium Episcopus consecratur. Ipse dein personaliter 5. Aprilis sequente magnâ cum Solemnitate deductus est in Ecclesiam Cathedralē.

Per annos septem ac menses decem

summâ cum laude Munia adminiftravit Episcopalia, maximè fatagens, ut Diœcesim suam ab Hæreticorum zizaniis expurgaret: tandem bonus Præful exhaustus & apoplexiâ tactus Sylvæducis interiit die 22. Octob. 1592. terræ mandatus in Choro Ecclesiæ Cathed. absque Epitaphio.

Symbolum hujus Antistitis erat: *Tempus faciendi Domine*, ex Psalm. CXVIII.

*Peregrinus Pullenius* Stralensis, quem *Lindanus* Ruræmund. Antistes Presbyterum ordinatum in partem sollicitudinis vocavit, Cathedralis suæ Canonicum, Scholasticum ac Seminarii Clericorum Rectorem constituit, simulque Beghinis Ruræmund. Pastorem dedit; & non solum arcana sui pectoris ei commisit, sed et vix quidquam difficile aut arduum ipso inconsulto inchoavit. *Lindano* ad Ecclesiam Gandav. translato, ipse honorum fugitans, Colonix primùm, deindè Leodii, demùm Sylvæducis latere voluit, re ac voluntate pauper, Virtutibus dives, Pietate insignis, Contemplatione præcipuus. Multa scripsit, quæ Sylvæducis in manibus Piorum, atque in pretio sunt: ibidem cum opinione Sanctitatis vitam finivit ann. 1608. 20. Julii, sepultus apud Virgines Clarissas.

*Lambertus Maerselbroeck* Decret. Lic. Canonic. Cathedralis Leowardensis, exul, fit Canonic. Ruræmund. 6. Julii 1582. ex præsent. Episcopi & Capituli in locum *Gerardi de Meer*. Obiit ann. 1605.

Frater *Wynandus à Kirckraet* Procurator Monasterii Regular. Ruræm. eligitur ibidem Canonic. 2. Octob. 1583. ex præsent. Episcopi in locum *Arnoldi à Dart*. Vivere desit ann. 1599.

*Antonius Thielenius* S. T. B, Pastor Weerthenfis in Confratrem receptus ex præsent. .... die 7. Januarii 1586.

*Jacobus Franco* S. T. D, constitutus Canonic. ex præsent. Dom. *Wilhelmi de Weert* 23. May 1586. Obiit ann. 1601.

Mgr. *Joannes Kuyckhoven* Ruræmund. ad Præbendam admissus 28. Junii 1587. ex præsent. Magistratûs Ruræmund. vigore Resignationis Mgr. *Burchardi Meurs*, aliàs *Moers*. Renunciavit ann. 1616. in manus Magistratûs.

*Marcellus Bouckhorst* Harlem. S. T. L, electus Canonic. Ruræmund. ex præsent. Decani (Sede vacante) & Capituli in locum *Theodorici Haen* Dec.

Reverendiss. Dom. *Henricus Cuyckius* Episc. II. Ruræmund. S. T. D, Ecclesiæ suæ possessionem accepit, & solemniter receptus à Clero, à Senatu Regio, à Collegio eorum, qui à rationibus Regis sunt, atque à Magistratu die 9. Aug. 1596. Moritur ibidem 7. Octob. 1609. ann. ætat. 63.

Mgr. *Joannes Belens* J. U. L, Canonicatum adeptus 1. Martii 1597. ex præsent. Episc. Dec. & Capituli loco Reverendiss. D. *Clem. Crabbeels* quondam Episc. Sylvæducensis.

*Petrus Pollius* S. T. D. ad Præbendam admissus 18. Martii 1599. in locum *Marcelli Bouckhorst* ex præsent. Episc. & Capituli: deindè Archidiaconus, & 14. Martii 1602. electus Decanus. in fata concessit 21. Decemb. 1626.

*Hieronymus Gherinx* J. U. L, electus Canonicus graduat. 18. Martii 1599. loco Fr. *Wynandi à Kirckraet*.

*Fredericus Joannis* Cantor ann. 1600, dum Cantoratui unita fuit una è veteribus Præbendis de assensu Dom.



DUCATUS GELDRIÆ

179

- Reineri de Hillen* Satrapæ Montfordienfis tamquam Patroni dicti Cantoratûs.
- Othgerus Gartherius* Pastor Stralensis, admissus Canonicus Graduat. 16. Aug. 1601. post mortem D. *Gregorii Gherinx* Dec. Renunciavit paulò post.
- Olivarius ab Houthem*, receptus in Confratrem 14. Sept. 1601. in locum præf. *Oth. Gartherii* ex præsent. Episc. & Capituli. Obiit ann. 1626.
- Antonius Hulfelmans* S. T. D, Pastor in Cæsaris - Weerdâ inter Canonicos cooptatus 24. Sept. 1601. loco *Jacobi Franconis* ex præsent. Episc. & Capituli. Paucis Mensibus supervixit.
- Servatius Sassenus* Lovanienfis, S. T. L., ad Præbendam admissus 17. Decemb. 1601. in locum præf. *Ant. Hulfelmans* ex præsent. Episc. & Capituli.
- Guilielmus à Randenraedt* J. U. L, renuntiatus Canonicus 31. Martii 1604. loco *Hieronymi Gherinx*, Possessionem adeptus 12. Junii seq. Moritur Officialis ac judex Diœc. 8. Decemb. 1636.
- Lambertus Dyck* J. U. L. Præbendam obtinuit 18 Junii 1605. in locum *Lamberti Maerselbroeck*; possessionem adiit 21. ejusd. Mensis. Obiit proximo Mense Octob.
- Henricus Moetz* J. U. L, electus Canonicus 13. Decemb. 1605. loco præf. *Lamb. Dyck*. Accepit Possessionem per Procuratorem 30. Junii 1606. Resignavit liberè ann. 1621.
- Reverendiss. Dom. *Jacobus a Castro* Amstelodamensis, S. T. D, Episcopus III. Ruræmund. Possessionem adiit 19. May 1611. vixit annos LXXIX. Sedit ann. XXIX catharro suffocatus Ruræmund. 24. Febr. 1639.
- Joannes à Wierds* Noviomagenfis, admissus 6. Junii 1613. ad Cantoratum & Præb. in locum *Frederici Joannis* ex præsent. Dom. *Reineri de Hillen*. Resignavit ann. 1636.
- Gerardus Cruysancker* Med. D. inter Canonicos cooptatus 9. Aprilis 1615. in locum *Hen. Hartefeldt*; idque ex præsent. solius Episcopi, quia hæc Præb. a tempore erecti Episcopatus non vacaverat. Vivis excessit ann. 1630.
- Petrus Kuyckhoven* S. T. L. in Univ. Colon. Possessionem Præb. accepit 31. Martii 1616. per liberam Resignationem *Joann. Kuyckhoven* ex præsent. Magistratus Ruræmund. Postmodum ann. 1627. a Capitulo suo electus Decanus. fato cessit 20. Junii 1641.
- Joannes Snyder* S. T. L. Lector Seminarii Ruræmund. ann. 1621. successit in Præbendam *Henr. Moetz* per resignationem ex præsent. Episc. & Capituli, quam reposuit in manus Capituli ann. 1637.
- Theodoricus Cox* J. U. B, electus Canonic. ann. 1626. loco *Oliv. ab Houthem*, Scholasticus. Ann. 1641. eligitur contentiosè in Decanum cum seq. *Joanne Cox*. Vivere desit ann. 1646.
- Gerardus Cox* J. U. B, ann. 1627. per Capitulum in Confratrem receptus loco Dec. *Pollii*. Post biennium renunciavit.
- Joannes Cox*, electus ann. 1629. Canonic. in locum *Gerardi* Fratris sui resignantis. Ann. 1641. eligitur contentiosè in Decanum cum præf. *Theodorico Cox*. Postmodum Scholasticus. Obiit plenus dierum ann. 1689.
- Baldwinus de Gaulle* Bruxellensis, J. U. L., *Hieronymi* Cancellarii Geldriæ Filius, in Confratrem adeptus 29.

- Novemb. 1630. loco *Gerardi Cruys-  
ancker* defuncti.
- Joannes à Vined* Canonic. & Cantor;  
post multas altercationes tandem  
de Consensu Patroni secularis ad-  
missus est ad Residentiam in locum  
*Joann. à Wierdt*. extremum diem  
clausit ann. 1642.
- Antonius Bossman* J. U. L. ann. 1636.  
a Capitulo in Confratrem assumptus  
loco defuncti *Guil. à Randenraedt*.  
Ann. 1650. pridie diei cinerum a  
Capitulo suo in Decanum electus  
est secundum antiquam ibidem  
consuetudinem; sed ann. 1652.  
Rex Hispan. alium nominavit, sci-  
licet Dom. *Jacobum ab Oeveren* &c.  
vide infra. Obiit *Ant. Bossman*  
ann. 1658.
- Theodorus Moutz* J. U. L. Canonicatum  
adeptus 23 Junii 1637. post renun-  
ciationem *Joann. Snyders*. Permu-  
tavit ann. 1655.
- Henricus Dilsen* J. U. L. Præbendam  
obtinuit, vacantem per obitum  
*Petri-Kuyckhoven* ad præsent. Ma-  
gistratus Ruræmund. factam in  
hunc modum: Magistratus quæ  
Patronus (post scrutinium duo-  
bus nempe DD. *Theodoro ab  
Elmt* S. T. L. & *Henrico Dilsen*  
J. U. L. quoad vota repertis  
paribus) negotium ad Capitulum  
Cathed. detulit, ut ex his duobus  
unum eligeret; sic pridie Paschatis  
1641. fors cecidit super *Dilsenum*,  
qui annumeratus est cum cæteris  
Canonicis; fuit postea Officialis. vi-  
vere desit ann. 1680.
- Paulus Hayet* ann. 1642. admissus ad  
Cantoratum & Præb. loco *Joann.  
à Vined* ad præsent. Nobilium DD.  
*de Hillen* Patron. laic.
- Gerardus Bossman* receptus in Confra-  
trem 20. Aug. 1646. loco *Theod.  
Cox* defuncti ex præsent. Capituli  
(vacantibus Sede Episc. & Deca-  
nato) Obiit die . . . Martii 1662.
- Peregrinus Vogels* Ruræmundensis  
S. T. L. ab Innocentio X. Pont.  
ann. 1649. jure devoluto denomi-  
natur ad Decanatum Ruræmund.  
(ab ann. 1641. inter *Coxios* con-  
troversum) & à Philippo IV. Hispan.  
Rege Ruræmund. Antistes deligitur,  
quem mors priusquam Infulas  
indueret abripuit 4. Octob. 1649.  
ann. ætat. 74. fuit antea *Vogelius*  
Pastor in *Neer Weerth*, hinc in Re-  
gale Aquensium Capitulum Cano-  
nicus assumitur, mox Archipref-  
byter, necnon sacri ibidem Consilii  
Præses, trium Præbendarum in  
Cathed. Ruræmund. totidem Bur-  
sarum Lov. ac multarum alibi  
Fundator &c.
- Reverendiss. Dom. *Andreas Cruesen*  
Mosæ trajectensis, S. T. D. Epif-  
copus IV. Ruræmund. Ecclesiæ  
sue Possessionem cepit 10. Aug.  
1651. post annos 6. ad Cathedram  
Metrop. Mechlin. translatus ex hac  
mortali vitâ evocatus est Bruxellis  
8. Novemb. 1666. ætat. sue LXXV.
- Joannes Allards* Cantoratum cum  
Canonicatu annexo obtinuit ann.  
1651. permutavit ann. 1657. &  
aliam Præb. consecutus est.
- Gerardus Huberti* J. U. L. electus 4.  
Febr. 1655. ad Præbendam vet.  
corporis vi permutationis initæ  
cum *Theod. Moutz*, qui consequen-  
ter obtinuit Personatum de *Zee-  
num* in Diœc. Ruræmund. Decessit  
12. Aug. 1682.
- Joannes van Lith* admissus & installa-  
tus 28. Aug. 1657. tamquam Can-  
onic. & Cantor vigore permuta-  
tionis cum *Joanne Allards* de con-  
sensu Patronorum laic. obiit ann.  
1688. aut circiter.
- Jacobus ab Oeveren* Ruræmundensis,

S. T. L. existens minoris Præb. Canonicus, ann. 1652. Decanus Ruræmund. primus a Rege Hispan. nominatus, eligitur 5. Aprilis 1658. Canon. Graduat, seu vet. corporis in locum defuncti *Ant. Boffman.* vivere desiit 19. Mart. 1686, postquam fuisset semel atque iterum Vicarius Gen.

*Egbertus Woeftingh.* J. U. L. die 15. May 1659. successit in locum *Balduini de Gaule.* Senex deceffit ann. 1699.

*Joannes Gerardus Brants* Pastor Ecclesiæ *S. Christophori* ann. 1659. in Cathedralē erectæ, ipse simul factus Canonicus, salvo jure concessio Baronibus de Cortenbach Civit. Ruræmund. Advocatis hæreditariis Canonicatum unâ cum Pastoratu conferendi, sub quâ conditione „ erectio ista canonicè facta „ est per Illustriss. Episcopum, „ quâ in perpetuum nova hæc „ Præbenda affecta erit Curæ animarum, & Possessores ejusdem „ intererunt omnibus actibus capitularibus, exceptis duobus casibus, nimirum quando agetur de conferendâ aliquâ Præbendâ veteris foundationis vel Pastoratûs, „ cujus collatio ad solos Capitulares antiqui corporis spectat, & „ quando deliberabitur super administratione bonorum & præsentiarum ejusdem veteris foundationis, servatis etiam novo huic Canon. & Pastori suis, quibus hucusque gavisus est, præsentis & priorum bonorum administratione uti & ejus successoribus. „ consule Diploma translationis, quod habetur in hâc Historiâ Ducatûs Geldriæ fol. 247. & seqq.

*Conrardus Vogels* præf. *Peregrini Vo-*

*gelii* Nepos ann. 1659. possidebat Præbendam foundationis ipsius.

*Petrus Poen* Canonicus secundæ foundationis *D. Vogelii.*

Reverendiss. Dom. *Eugenius Albertus d'Allamont* Luxemburgensis, Episcopus V. Ruræmund. Sedis suæ possessionem adiit 18. Junii 1659. postea ann. 1666. ad Cathedram Gandav. translatus, Madriti extremum diem clausit 8. Aug. 1673. ætat. suæ LXIV.

*Joannes Pollart* Ruræmundensis, filius *Francisci Urbis Ruræmund.* Consul, J. U. L. in Academiâ Duac. 27. Martii 1662. electus est Canonicus veteris corporis in locum *Gerardi Boffman* defuncti. Vita functus 27. Octob. 1679.

Reverendiss. Dom. *Lancelottus de Gotsignies* Bruxellensis, Episcopus VI. Ruræmund. per Procuratorem possessionem accepit 3. Octob. 1672. Deceffit Bruxellis 25. Aug. 1673. nullâ personali Residentiâ inchoatâ. jacet ibid. in Ecclesiâ Paroch. B.M.V. de Capella in Monumento familiæ maternæ de *Verreycken.*

Reverendiss. Dom. *Reginaldus Cools* Antverpiensis, S. T. D. Ordinis FF. Prædicatorum, Episcopus VII. Ruræmund. Cathedræ suæ Possessionem cepit per Procuratorem 7. Januarii 1677. solemniter à Clero & Populo exceptus 24. Febr. ejusdem anni. hinc ann. 1700. ad Ecclesiam Antverp. translatus, obiit ibidem 2. Decemb. 1706. Vixit annos propè XC. in Ordine antè Episcopatum XXX. in Sede Ruræmund. XXIV. & Antverp. VI.

*Joannes Arnoldus Fuyren* Ruræmund. S. T. B. F. & J. U. L. electus in Canonicum vet. Corporis 9. Aprilis 1680. loco *Joannis Pollart* defuncti. Vivis exceffit ann. 1727.

*Theodorus Martinus de Haen* Ruræmund. J. U. L. die 3. Sept. 1680. Possessionem adiit Præbendæ Graduat. vacantis per obitum *Henrici Dilsen* vigore præsent. Magist. Ruræmund. Obiit ann. 1722.

*Joannes Antonius du Mont* Bruxell. J. U. L. admissus Canonicus vet. Corporis 28. Aug. 1682. in locum *Ger. Huberti*. Ann. 1686. *Jacobo ab Oeveren* successit in Decanatu. Vita functus est ann. 1708.

*Robertus Nicolaus ab Elfrack* J. U. D. in Univerſitate Ticinensi apud Italos, per ann. 12. Confessarius Monialium Ursularum Ruræmund. 5. Aprilis 1686. renuntiatus Canonicus vet. Corporis loco *Jac. ab Oeveren* defuncti. Fundavit ann. 1710. Præbendam Theologalem, volens ut cæteris Canonicis graduatis seu vet. Corporis accense- retur. vivere desit ann. 1711.

*Maximilianus Antonius Gammans* Canonic. & Cantor in locum *Joann. van Lith*. ex præsent. Dom. de *Hillen*. Residentiam suam incepit 24. Juny 1688.

*Henricus Woestingh* J. U. L. in supremo Consilio Gelriæ Advocatus, electus Canonicus vet. Corporis 12. Sept. 1689. loco defuncti *Joannis Cox*. Moritur ann. 1708.

*Michaël van Dael* Canonicus & simul Præses Seminarii Episcopalis.

*Theodorus Egbertus Bloemærts* J. U. L. Canonicus secundæ fund. fuit & Decanus ab ann. 1708.

*N. . . . van Collen* electus Canonicus & Cantor ann. 1698. in locum *Max. Ant. Gammans*.

*Octavius Josephus Marechal* J. U. L. admissus Canonicus vet. Corporis ann. 1699. in locum *Egb. Woestingh*. Obiit ann. 1720.

Reverendiss. Dom. Fr. *Angelus d' Ong-*

*nyes* ex Comitibus *d'Estrées*, Ord. FF. Minorum Capucinorum, VIII. Episcopus Ruræmund. 19. Febr. 1702 ingenti honoris significatione in Cathedram introductus. Vixit ann. LXXII. Sedit ann. XXI. Moritur Brux. 9. Aprilis 1722.

*Jacobus Hyacinthus Simon* Bruxellensis, J. U. L. obtinuit Præbendam vet. Corporis ann. 1708. loco *Joann. Ant. du Mont*. Ann. 1723 a Rege Hispan. nominatus Decanus. In fata concessit ann. 1743.

*Petrus Ludovicus Joly* Antverpiensis, J. U. L. Reverendiss. Dom. Episc. *d'Ongnyes* à Secretis, ann. 1708. Canonicatum adeptus vet. Corporis in locum defuncti *Henr. Woestingh*. Hunc ann. 1714. deseruit, factus Canonicus Metropolitanæ Mechlin.

*Tilmannus Woestingh* J. U. L. ann. 1710. designatus Canonic. & Cantor per resignationem Dom. *van Collen*.

*Arnoldus Hyacinthus de Haen* Ruræmund. J. U. L. ann. 1711. inter Canonicos vet. Corporis numeratus loco *Rob. Nic. ab Elfrack*. Supremum diem clausit 17. Martii 1741.

*Judocus van der Vooren* Decretorum Licent. Canonicus & Scholasticus.

*Joannes Dominicus Portmans* Canonic. & Pastor Ruræmund.

*Cornelius van den Steen* Decretorum Licent.

*Jacobus van Breugel* J. U. L. ad Præbendam vet. Corporis admissus ann. 1714. in locum *Pet. Lud. Joly* Mechlin. Canonic. Fuit etiam Officialis Ruræmund. & Fundator novi Canonicatus æquiparandi reliquis Graduatis. Vivere desit ann. 1735.

*Servatius Dominicus le Clercq* Leodienſis, ann. 1716 electus Canonic. grad. & Cantor loco *Tilman. Woestingh*.

*Joannes Albertus Hooff* Ruræmund.  
Pastor Ecclesiæ Cathed. & Canonic.  
recentioris fundationis.

*Joannes Franciscus Dispa* Ruræmund.  
S. T. L. in Univ. Colon. Secreta-  
rius quondam Reverendiss. Dom.  
Episc. d'Onghyes, ann. 1720. defig-  
natus Canonic. graduat. in locum  
*Oët. Jos. Marechal*, dein Scholaf-  
ticus, Examinator Synod. & De-  
canus.

*Christophorus Jacobus Ditz* Decret.  
Licent. ann. 1722. præsentatus a  
Magist. Ruræmund. ad Canonicat-  
um graduat. vacantem per mortem  
*Theod. Mart. de Haen*. Obiit ann.  
1730.

Reverendiss. Dom. Fr. *Franciscus Lu-  
dovicus de Sanguessa* Mechlin. Ord.  
FF. Minorum Recolictorum Pro-  
vincialis, è Coadjutore IX. Episco-  
pus Ruræmund. ann. 1722. Cathed-  
ræ suæ Possessionem adiit. Vixit  
ann. LXXIX. in Relig. seraphicâ  
LVIII. Sedit ann. XX. Decessit  
11. Aug. 1741.

*Goswinus Franciscus Bors* Ruræmund.  
in Univ. Rom. J. U. D. electus  
Canonicus vet. Corporis ann. 1727.  
loco *Joann. Arn. Fuyren*.

*Gerardus de Waeghenaer* Ruræmund.  
assumptus ad Præbendam vet. Cor-  
poris ann. 1730. ex præsent. Magist.  
Ruræmund. in locum *Chris. Jac.  
Ditz*.

*Henricus Gielen* Mosacensis S. T. L.  
Canonicus graduat. Scholasticus,  
Pœnitentiarius, Examinator Synod.  
Lib. Censor.

*Joannes Franciscus Josephus de Hornes*  
*Werthanus*, in Univ. Paris. J. U. L.  
ad Præb. admissus. Deindè obtinuit  
Canonicatum in Cathedrali Tor-  
nacensi.

*Petrus Antonius Petit* Ruræmund.  
J. U. L., et Advocatus in Supremo

Senatu Ruræmund. electus Cano-  
nicus graduat. vet. Corporis ann.  
1735. in locum *Jac. van Breugel*.  
Initio tamen contentiosè admissus  
cum *Leonardo Mooren* Secretario  
Episcopi de *Sanguessa*, qui lite pen-  
dente coram Officiali Mechlin. fac-  
tus est Canonicus Collegiæ Cor-  
tracensis in Flandriâ.

H. . F. . . A. . *Bormans* in Univ.  
Duac. J. U. L., fuit ann. 1741. Ca-  
nonicus 2 fundationis quondam  
D. ab *El/rack*.

Reverendiss. Dom. *Josephus Anselmus*  
*Franciscus Werbroeck* Iprensis, è Ca-  
nónico grad. & Cantore Eccl. Ipren-  
sis, X. Episcopus Ruræmund. Cal.  
Jan. 1744. Ruræmund. solemniter  
exceptus. Indè ann. 1746. Antver-  
piam translatus, & ibid. abreptus 24.  
Decemb. 1747. ætat suæ ann. 55.

Reverendiss. Dom. *Joannes Antonius*  
*de Robiano* Bruxell. è Canónico nob.  
graduat. ac Pœnitent. Metropol.  
Mechlin XI. Episcopus Ruræmund.  
3. July 1746. Ruræmund. Ponti-  
ficaliter ingressus, ibid. Obiit 28.  
Juny 1769. ann. ætat. LXXI.  
Episc. XXIV.

*Petrus Henricus Petit* Ruræmund. J. U. L.  
Canonicus & Officialis.

*Joannes Adamus Gielen* Mosacensis,  
S. T. & J. U. L. Canon. Graduat.  
Theol. Exam. Synod.

*Joannes Godefridus Duyckers* Venlo-  
nensis, J. U. L., Cæremoniarius.  
Cap. 2. fund.

*Petrus Antonius van Dunghen* Ruræ-  
mund J. U. L., Canonicus graduat.

*Arnoldus Ignatius Costerius* J. U. L.  
Canonic. grad. & Officialis.

*Henricus Haecx* J. C. L. Canonicus  
2. fund.

*Joannes Georgius Stahl* S. T. & J. U. L.  
Canonic. grad. Secretarius Capituli.

*Josephus Ignatius Smon de Vlodorp*

- J. C. L. Canonic. grad. postea Decanus.  
*Arnoldus Leonardus van Daell* Canonic. & Pastor.  
*Petrus Schoenmaeckers* S. T. L. Canonic. Theol. 2. fund.  
*Marcellus Albertus Syben* J. U. L. Canonic. graduat. Scholasticus, Vicarius Gen. Officialis, Exam. Synod. & Libr. Censor.  
 Reverendiss. Dom. *Henricus Joannes Kerens* Mosæ trajectensis, S. J. Episcopus XII. Ruræmund. 22. May 1770. Cathedræ suæ Possessionem adiit, ann. 1773. factus Antistes Neostadiensis in Austria inf. postea *S. Hippolyti*, extinctus Viennæ 26. Novemb. 1792.  
 Reverendiss. Dom. *Philippus Damianus Marchio ab Hoensbroeck* Ruræmund. XIII. ejusd. Civit. Episcopus. Fuit antea Cathed. Spirensis Canonicus & Thesaurarius Major, Præpositus Embricensis, & eo titulo Archidiaconus Ultrajectensis. 30. Octob. 1775. Ruræmund. solemniter ingressus, ibid. vivis excessit 17. Aprilis 1793.  
*Joannes Gerardus Fanssens* J. U. L. Canonicus graduat.  
*Leonardus Theunissen* S. T. L. Canonicus graduat.  
*Antonius van den Steenweg* Canonicus & Pastor.  
*Coswinus de Wevelinchoven* J. U. L. Canon. graduat. & Cantor.  
*Joannes Lemmens* S. T. L. Canonic. graduat. Exam. Synod.  
*Vincentius Dillen* S. T. D. & J. U. L. Canonic. & Decanus.  
*Joannes Josephus Cox* J. U. L. Can. graduat.  
*Franciscus Kersten* S. T. B. F. Canonicus 2. fund.  
*Joannes Reinerius Matthei* Canonic. & Pastor.

Reverendiss. Dom. *Joannes Baptista Robertus van Velde* Bruxell. è Canonico nob. graduat. Metropolit. Mechlin & Consiliario Eccles. XIV. Ruræmund. Episcopus, qui 3. July 1794. nomine procuratorio Ecclesiæ suæ Possessionem accepit, quam 17. Novemb. 1801. spontaneè dimisit; prout antè in Historiâ hujus Antistitis fusius narratum est.

FALLITUR Auctor hujus Historiæ cum Havenio, asserens, Reverendiss. Dom. *Cuyckium* Episc. Ruræmund. ex Commissione Concilii Provinc. Mechlin. de ann. 1607. Catechismum pro totâ Provinc. Mechlin. vernaculè composuisse, cum certum sit, quod R. P. Ludovicus Makeblyde Societatis Jesu de Mandato Illustriss. Dom. *Mathie Hoyii* Archiep. Mechlin. & de Consilio Episcoporum provincialium Catechismum hunc elaboraverit, Antv. primò editum typis *Joachimi Trognæsi* circa ann. 1608.

Inferatur  
fol. 206.

## CONTINUATIO

*Cancellariorum Supremi Consilii Ducatus Geldriæ.*

Notandum imprimis, quod primo Cancellario *Adriano Mario* cedenti *Judocus Sasboute* Senator in Cons. prov. Hollandiæ successerit, qui è vivis ereptus est Arnhemii 1546. ætat. 59. à Morte *Judoci* filius ejus *Arnoldus Sasboute* Cancellarius factus est, qui deindè Brux. ad Consilium

Inferatur  
fol. 287.

priv. evocatus est. vide Hoyneck. Analect. Belg. tom. 1. part. 2. pag. 414.

Post Dom. *P. F. van Varick* secuti sunt

XII. *Franciscus Gaspar de Hempelrode de Starckenberg* ad Cancellarii dignitatem assumptus est 17. Martii 1721. Præstitit juramentum 23. Aprilis seq. & 7. Novemb. ejusdem anni defunctus est.

XIII. *Petrus de Lom* admissus 3. Martii 1723. Sacramentum dixit 3. Aprilis seq. & Obiit 4. May 1724.

XIV. *Hermannus Jacobus van den Berghen* factus Cancellarius 18. Sept. 1724. Præstitit juramentum 15. Novemb. seq. In fata concessit 20. Decemb. 1727.

XV. *Albertus Bernardus de Lom* re-

cepit suas litteras patentes 7. Aprilis 1728. Sacram. dixit 17. ejusd. Mensis, & mortuus est 29. Decemb. 1736.

XVI. *Joannes Gerardus de Sweyns* constitutus Cancellarius 16. Novemb. 1737. Præstitit juramentum 4. Decemb. seq.

Ultimi Cancellarii sunt sequentes:

Dom. . . . N. . . . *S. Vaast de Dentergem* Confilii Statûs.

Dom. *Arnoldus Henricus Tackoen* Confiliarius Statûs, ad Cancellariam Ruræmund. admissus ann. 1775. Vivis excessit ann. 1779.

Dom. . . . N. . . . *Luytgens*. Cancellarius renuntiatus ann. 1779.

FINIS.



DUCATUS GELDRICAE

Faint, mirrored text bleed-through from the reverse side of the page, including names and titles.

Faint, mirrored text bleed-through from the reverse side of the page, including names and titles.

Faint, mirrored text bleed-through from the reverse side of the page.



Fragment of text from the adjacent page on the right, including words like 'I', 'De', 'Pro', 'E', 'B', 'B', 'R', 'M', 'E', 'p', 'd', 'A', 'je', 's.', 'Ca', 'van', 'Ele', 'ulti'.